
BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

INFORMACIJA
O PROJEKTIMA RASVJETE / ILUMINACIJE
GRADA SARAJEVA

(informativni materijal)

Predlagač:
Gradonačelnik Grada Sarajeva

Obrađivač
Služba za urbano planiranje, investicije,
stambene i komunalne poslove

Sarajevo, septembar 2018.godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019

Sarajevo & East Sarajevo

INFORMACIJA O PROJEKTIMA RASVJETE / ILUMINACIJE GRADA SARAJEVA

U kontekstu javnih prostora pod svjetlima grada podrazumijevamo ne samo javnu rasvjetu, već i tzv. akcentnu rasvjetu, kao njenu nadogradnju, a kojoj je cilj isticanje gradskih volumena.

Njome ističemo vrijedna zdanja ili cjeline, koja ne osvjetljavamo radi njih samih, već zbog privlačne i prepoznatljive noćne slike grada. To doprinosi njihovoj reafirmaciji, odnosno tako im se produžava život u večernjim i noćnim satima. Tada, ta stara ili nova zdanja postaju jasno vidljiva i prepoznatljiva, a time i više prisutna.

U prethodnom periodu iz Budžeta Grada Sarajeva su izdvojena značajna sredstva za izradu projekata, realizaciju, kao i održavanje realizovanih projekata iluminacije.

Rasvjeta Baščaršije

Rasvjeta Baščaršije bio je kompleksan višegodišnji projekat Grada Sarajeva, koji je zahtijevao i prethodnu sanaciju krovova, streha, oluka i fasada objekata, te se realizovao po fazama, u saradnji sa Općinom Stari Grad, Kantonalnim zavodom za zaštitu kulturno-historijskog i prirodnog naslijeđa Sarajevo i Zavodom za izgradnju Kantona Sarajevo, koji su vršili stručni nadzor.

Projekat je baziran na upotrebi nove tehnologije LED svjetla, koja se prvi put pojavljuje u našoj sredini, te je Baščaršija prvi put dobila atraktivnu rasvjetu.

Uspješno je realizovana rasvjeta ulica Trgovke, Sarači, Kazazi i Čizmedžiluk, te Gazi-Husrevbegov bezistan.

Rasvjeta mostova na Miljacki

Projekar iluminacije mostova na Miljacki, je takođe bio višegodišnji projekat Grada Sarajeva, realizovan u saradnji sa općinama Stari Grad i Centar, Kantonalnim zavodom za zaštitu kulturno-historijskog i prirodnog naslijeđa Sarajevo i Zavodom za izgradnju Kantona Sarajevo, koji je vršio stručni nadzor nad izvođenjem radova.

Realizovana je iluminacija Šeher-Ćehajine ćuprije, Novog mosta kod Vijećnice, Latinske ćuprije, Ćunurije, Drvenije, Ćobanije, Ajfelovog mosta i Mosta Suade i Olge.

Održavanje

Projekti iluminacije su relativno skupi u izvedbi, a nakon realizacije projekta, veliki problem se javlja u održavanju, jer iluminacija ne spada u redovna održavanja gradske javne rasvjete, a u cilju što boljeg iskorištenja i funkcionisanja postavljene rasvjete, neophodno je redovno održavanje.

U 2018. godini Grad Sarajevo je ponovo stavio u funkciju osvijetljene mostove na Miljacki na potezu od Vijećnice do Skenderije, odnosno izvršen je pregled i izmjena rasvjetnih tijela (sijalica), čišćenje lampi, fino štimanje postavljene rasvjete, kao i popravka rasvjetnih tijela i opreme.

Planirani projekti iluminacije

Kako bi Sarajevo dobio privlačnu i prepoznatljivu noćnu sliku grada uz isticanje kulturno-historijskih objekata, Grad Sarajevo trenutno vodi aktivnosti na pripremi tenderske dokumentacije za ugovaranje izrade glavnih projekata iluminacije fasada objekata Sarajevske vijećnice, Olimpijskog muzeja, Bijele tabije, Žute tabije i dijela bedema prema Kuli Širokac, Višegradske kapije, te objekta kasarne Jajce sa bedemom.

Nakon izrade projektne dokumentacije, u narednoj budžetskoj godini, neophodno je planirati sredstva za realizaciju navedenih projekata iluminacije, odnosno raspisivanje tendera za odabir izvođača radova.